



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monvmenta Paderbornensia

Ferdinand <II., Paderborn, Bischof>

Paderbornae, 1669

7. Castra Fvere Loco.

urn:nbn:de:hbz:466:1-11425

convenit Tiberio, cui operis adjutor datus fuerat Drusus frater, quem intra Cæsaris penates enixa erat Livia. Vell.l.c. ideōq; natu minor. Claudius Drusi filius apud Senecam in cōsolat. ad Polybium. Cæsar (Tiberius) patruus meus Drusum Germanicum patrem meum, minorem natu, quām ipse erat, fratrem intima Germaniæ recludentem, & gentes ferocissimas Romano subiici- entem imperio, in complexu & osculis suis amisit.

7. CASTRA FVERE LOCO. Hiberna Vell.lib.2.
c.105. Pietas sua Cesarem pene obstructis hieme Alpibus, in urbem traxit: ad tutelam imperij cum veris initio reduxit in Germaniam; in cuius mediis finibus ad caput Iulie (Lupiæ) fluminis, hiberna digrediens princeps locaverat.

8. ET QVEM CONCILIO. Anno 776. vita Ca-
roli M. apud Pithæum. Astronomus, Adelmus Benedictinus,
Poëta Anonym. Regin.lib.2.Chron.

Ad fontem Lippiae veniens, scribit Astronomus, immensam illius perfidi populi multitudinem velut devotam & supplicem, ac quasi erroris sui veniam poscentem invenerit. Cui cum & misericorditer ignorisset, & eos, qui se Christianos fieri velle affirmabant, baptizari fecisset, datis & acceptis pro fide servanda fraudulentis eorum promissionibus, obsidibus quoque, quos imperaverat, receptis, Eresburgo, quod dirutum erat, restaurato, aliisque castello super Lippiam exstructo, & in utroque non modico praesidio relicto, ipse in Galliam reversus in villa Haristallo hiemavit. Terruerat enim Saxones Carolus, velut ingens tempestas omnia prosternens & munitiones irrumpens. Regin.l.c. Vita Caroli. Et perterriti Saxones omnes ad locum, ubi Lippia consurgit, venerunt ex omni parte, & Domino regi Carolo per VVadium manibus suis reddiderunt patriam, & sponserunt se esse Christianos, & iterum subditi sunt ditioni domini regis Caroli. Cum An. 780. ad fontem Luppiæ

F 3

venisser